



## Tilkynning um kæru nr\_ 95\_2024\_ stjórnvald\_

Búið til	5.9.2024 09:39:18
Höfundur	Hera Elfarsdóttir
Móttekið dags.	5.9.2024 09:17:06
Tilheyrir	USK24090064 - Kæra nr. 95/2024 - Grænlandsleið 25

### Efni

Tilkynning um kæru nr\_ 95\_2024\_ stjórnvald\_

#### Upplýsingar

#### Vinnsla

Móttekið dags.	5.9.2024 09:17:06	Staða	Innflutt
Eigandi		Tímamörk	
Málalykill	00.15.02 Kærur og dómsmál		
Lykilorð			

#### Þátttakendur

Frá	Úrskurðarnefnd umhverfis- og auðlindamála - UUA (uua@uua.is)
Til	usk@reykjavik.is
Cc	[REDACTED]

### Innhald

Góðan dag.

Meðfylgjandi er afrit stjórnsýslukæru, móttokin 4. september 2024 ásamt fylgigögnum, þar sem kærð er ákvörðun byggingarfulltrúans í Reykjavík í máli nr. USK23060335

dagsett 15. ágúst 2024 um að fella niður áfallnar dagsektir og aðhafast ekki frekar vegna óleyfisframkvæmdar að Grænlandsleið 25.

Vegna framkominna kæru er farið fram á að úrskurðarnefndin fái í hendur gögn er málið varða og er stjórnvaldi jafnframt gefið kostur á að skila umsögn í málinu **innan 15 daga frá dagsetningu þessarar tilkynningar**, en hægt er að óska eftir 15 daga viðbótarfresti, sbr. 5. mgr. 4. gr. laga nr. 130/2011 um úrskurðarnefnd umhverfis- og auðlindamála.

Upplýsingar óskast um hagsmunaaðila netfang og/eða símanúmer, um viðkomandi sem allra fyrst.

Óskast staðfest um móttöku.

Með kveðju,

f.h. nefndarinnar

Ólöf Harðardóttir, skrifstofumaður ; &nbsp; &nb  
sp; ; &nbsp; &nbsp; ; &nbsp; &nbsp;  
Úrskurðarnefnd umhverfis- og auðlindamála  
Borgartúni 21, 105 Reykjavík, Iceland  
Sími / Tel: (+354) 5758710  
[www.uua.is](http://www.uua.is) - [Fyrirvari/Disclaimer](#)



Vinsamlegast hugið að umhverfinu áður en tölvupósturinn er prentaður og samgöngumáti er valinn.  
Please consider the environment before printing and choosing transport.

&nbsp; &nbsp;





LÖGMENN LAUGARDAL

Úrskurðarnefnd umhverfis- og auðlindamála  
Borgartúni 21  
105 Reykjavík

Sent á [uua@uua.is](mailto:uua@uua.is)

Reykjavík, 4. september 2024

**Efni: Kæra á ákvörðun byggingarfulltrúans í Reykjavík í máli nr. USK23060335**

Elín Guðmundsdóttir, kt. [REDACTED] búsett að Grænlandsleið 23, 113 Reykjavík, hefur falið undirrituðum lögmanni sínum, sbr. meðfylgjandi umboð, að kæra ákvörðun byggingarfulltrúans í Reykjavík í máli nr. USK23060335, dags. 15. ágúst 2024, um að fella niður áfallnar dagsektir og aðhafast ekki frekar vegna óleyfisframkvæmdar að Grænlandsleið 25, 113 Reykjavík. Ákvörðunin var fyrst tilkynnt 22. ágúst 2024, sbr. tölvupóstsamskipti á fskj. nr. 9.

Þess er krafist að hin kærða ákvörðun verði felld úr gildi. Um kæruheimild vísast til 4. gr. laga um úrskurðarnefnd umhverfis- og auðlindamála nr. 130/2011.

\*\*\*\*\*

Upphaf málsins má rekja aftur til fyrri hluta ársins 2020 er Úlfar Árnason, eigandi efri hæðar hússins að Grænlandsleið 25, hóf að byggja skjólvegg á svöllum efri hæðarinnar. Hinn 19. maí 2020 barst umræddum Úlfari erindi frá umbj. mínum þar sem honum var bent á að um óleyfisframkvæmd væri að ræða. Þá var jafnframt skorað á hann að stöðva byggingu skjólveggjarins og koma honum í lögmætt horf, enda ylli hann verulegu skuggavarpi inn í íbúð neðri hæðar Grænlandsleiðar 23, sbr. fskj. nr. 1. Erindinu var ekki svarað og framkvæmdum framhaldið.

Embætti byggingarfulltrúans í Reykjavík var því gert viðvart og sendi embættið í framhaldinu þrjú erindi til Úlfars Árnasonar, dags. 4. júlí 2020, sbr. fskj. nr. 2, dags. 27. ágúst 2020, sbr. fskj. nr. 3, og dags. 4. október 2021, sbr. fskj. nr. 4, hvar skorað var á hann að veita embættinu skriflegar skýringar á framkvæmdinni. Ekki liggur annað fyrir en að fyrrgreind erindi byggingarfulltrúa hafi hlotið sömu örlög og erindi umbj. míns, þ.e. að þau hafi verið hunsuð og framkvæmdum framhaldið.



Ekkert var aðhafst frekar í málínu uns ábending um óleyfisframkvæmdina barst embætti byggingarfulltrúans í Reykjavík að nýju í júní 2023. Hinn 27. júní 2023 sendi embættið erindi til Úlfars Árnasonar hvar honum var bent á að hinn umþrætti skjólveggur væri byggingarleyfisskyld framkvæmd og að hvorki byggingarleyfi né undirritað samkomulag um framkvæmdina af hálfu lóðareiganda Grænlandsleiðar 23 lægju fyrir, sbr. fskj. nr. 5. Hinn 18. júlí s.á. var Úlfari Árnasyni tilkynnt um fyrirhugaða álagningu dagsektu, sbr. fskj. nr. 7. Með erindi embættisins, dags. 5. september 2023, var Úlfari Árnasyni svo tilkynnt um álagningu dagsektu að fjárhæð kr. 25.000, sbr. fskj. nr. 8.

Embætti byggingarfulltrúans var ítrekað innt eftir upplýsingum um stöðu mála, því bent á að skjólveggurinn stæði enn og þess farið á leit að gripið yrði til frekari aðgerða, sbr. tölvupóstsamskipti við embættið á fskj. nr. 6.

\*\*\*\*\*

Fyrir liggur að ekki hefur verið veitt byggingarleyfi fyrir hinum umþrætta skjólvegg samkvæmt ákvæðum III. kafla laga um mannvirki nr. 160/2010. Það liggur jafnframt fyrir að hann er ekki undanþeginn byggingarleyfi samkvæmt e-lið 1. mgr. gr. 2.3.5. í byggingarreglugerð nr. 112/2012 og að ekki er til staðar samkomulag um vegginn samkvæmt 3. mgr. gr. 7.2.3. reglugerðarinnar. Því er ljóst, og raunar óumdeilt, að hvorki hefur verið fylgt ákvæðum laga um mannvirki eða byggingarreglugerðar við framkvæmdina, enda beitti byggingarfulltrúinn í Reykjavík sannarlega því þvingunarúrræði sem felst í álagningu dagsektu. Pegar beiting þess hafði ekki tilætluð áhrif endurskoðaði embættið hins vegar afstöðu sína og taldi skyndilega ekki ástæðu til að aðhafast frekar, enda liti embættið nú svo á að óleyfisframkvæmdin ylli hvorki hættu né hefði skaðleg áhrif á heilsu nágranna, þar á meðal umbj. míns. Var í ákvörðuninni aukinheldur vísað til meðalhófsreglu stjórnsýslulaga nr. 37/1993 til stuðnings framangreindum viðsnúningi.

Umbj. minn telur að hin kærða ákvörðun sé haldin verulegum annmörkum og fái illa samrýmst form- og efnisreglum stjórnsýslulaga nr. 37/1993, sem og óskráðum meginreglum stjórnsýsluréttarins. Í því samhengi bendir hún til að mynda á að óleyfisframkvæmdin veldur verulegu skuggavarpi í og við eign hennar, sem hefur haft mikil og slæm áhrif á heilsu og velliðan umbj. míns, sbr. ljósmyndir á fskj. nr. 10. Er í engu tekið tillit eða afstaða til þessa í hinni kærðu ákvörðun, í andstöðu við 10. og 22. gr. stjórnsýslulaga nr. 37/1993. Er þá ótalinn hinn verulegi og aðfinnsluverði dráttur sem orðið hefur á meðferð málsins, sbr. 9. gr. laganna. Með hliðsjón af öllu framansögðu er þess því krafist að ákvörðunin verði felld úr gildi og lagt verði fyrir byggingarfulltrúann í Reykjavík að taka málið til lögmaðrar meðferðar að nýju.

Virðingarfyllst,  
f.h. Björns Þorra Viktorssonar lögmanns,

Elfar Elí Schweitz Jakobsson lögmaður

Meðfylgjandi:

1. Erindi til Úlfars Árnasonar, dags. 19. maí 2020.
2. Erindi byggingarfulltrúans í Reykjavík, dags. 4. júlí 2020.
3. Erindi byggingarfulltrúans í Reykjavík, dags. 27. ágúst 2020.
4. Erindi byggingarfulltrúans í Reykjavík, dags. 4. október 2021.
5. Erindi byggingarfulltrúans í Reykjavík, dags. 27. júní 2023.
6. Tölvupóstsamskipti við embætti byggingarfulltrúans í Reykjavík, dags. 13. júlí 2023 – 11. mars 2024.
7. Erindi byggingarfulltrúans í Reykjavík, dags. 18. júlí 2023.
8. Erindi byggingarfulltrúans í Reykjavík, dags. 5. september 2023.
9. Tölvupóstsamskipti við embætti byggingarfulltrúans í Reykjavík, sem hafa m.a. að geyma hina kærðu ákvörðun, dags. 25. júní 2024 – 23. ágúst 2024.
10. Ljósmyndir af skuggavarpi í og við eign kæranda, ódags.